

Broj: 101- 10.680/18 DŽS  
Zenica, 01.08.2018. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-11.205-1/18 DŽS od 01.08.2018. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

### **ODLUKU**

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-11.205/18 DŽS od 01.08.2018. godine u postupku dodjele okvirnog sporazuma za nabavku poklopaca sa ramom (daktilni), i prihvata se preporuka Komisije za nabavke, da se okvirni sporazum zaključi sa ponuđačem:

#### **Regeneracija d.o.o. Velika Kladuša**

kao najbolje ocijenjenom ponuđaču, prema ponudi protokoliranoj pod brojem:716-992/18 od 26.07.2018. godine, za ponuđenu cijenu od 44.850,00 KM, bez uračunatog PDV-a.

II

Prijedlog okvirnog sporazuma dostaviti će se na potpis izabranom ponuđaču Regeneracija d.o.o. Velika Kladuša, u skladu sa članom 98. Zakona o javnim nabavkama.

III

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

V

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

#### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 101-10.306/18 HK od 12.07.2018. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 36 mjeseci.

Procijenjena vrijednost javne nabavke bez uračunatog PDV-a je 45.000,00 KM.

Dana 13.07.2018. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-409-3-58/18 objavljena je i tenderska dokumentacija.

Poziv za preuzimanje tenderske dokumentacije broj: 713-10.306-3/18HK od 13.07.2018. godine upućen je sljedećim ponuđačima:

- 1.Penny plus d.o.o. Sarajevo
- 2.Vodoskok d.o.o. Tomislavgrad

3.CMC Group d.o.o.

Na osnovu Izvještaja o preuzimanju tenderske dokumentacije od strane ponuđača od 01.08.2018. godine u 08:50 sati, utvrđeno je da su sljedeći ponuđači preuzeli tendersku dokumentaciju:

1.Ekapija d.o.o.

2.Bihexo d.o.o.

3.CMC group d.o.o.

4.BBS Europe

5.Ganik I.D.A. d.o.o. Vitez

6.Pdvm „elektrovar“ d.o.o.

7.Almy d.o.o. Zenica

8.Vodoskok d.o.o. Tomislavgrad

9.Hidro-termo centar d.o.o. Sarajevo

10.Regeneracija d.o.o.

11.Nital d.o.o. Zenica

Komisija za nabavku imenovana je Odlukom broj: 101-316./18 MS od 10.01.2018. godine.

Komisija za nabavku je dana 01.08.2018. godine direktoru preduzeća dostavila Zapisnik o ocjeni ponuda broj: 716-11.205/18 DŽS od 01.08.2018. godine i Preporuku o izboru najpovoljnijeg ponuđača broj: 716-11.205-1/18 DŽS od 01.08.2018. godine, u postupku javne nabavke za nabavku poklopaca sa ramom (daktilni).

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 11 (jedanaest).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

Ponuđač Vodoskok d.o.o. Tomislavgrad u obrascu Aneks-1 nije upisao naziv proizvođača, tip i zemlju porijekla. Takođe, u kataloškom listu nije naznačeno koji poklopac ovaj ponuđač nudi. Iz gore navedenih razloga ponuda ponuđača Vodoskok d.o.o. Tomislavgrad se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđač Regeneracija d.o.o. Velika Kladuša je dostavio formalno-pravno i tehnički zadovoljavajuću ponudu, te je ista prihvatljiva za ugovorni organ i može biti predmet ocjene shodno utvrđenom kriteriju.

Uvidom u priloženu dokumentaciju, konkurentskog zahtjeva za dostavu ponuda broj: 713-10.306-1/18 HK –za nabavku poklopaca sa ramom (daktilni), a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena ponuđača Regeneracija d.o.o. Velika Kladuša neprirodno niska.



Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „**najniža cijena**“, da je prihvatljiva ponuda / ponuđača kako slijedi:

1. Regeneracija d.o.o. Velika Kladuša,

sa ukupnom cijenom ponude od 44.850,00 KM bez uračunatog PDV-a kao najbolje ocijenjenom ponuđaču.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je rangiranje ponuđača izvršeno u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je, primjenjujući kriterij „najniža cijena“, Komisija izvršila ocjenu prihvatljive ponude / ponuđača kako slijedi:

1.Regeneracija d.o.o. Velika Kladuša,

sa ukupnom cijenom ponude od 44.850,00 KM bez uračunatog PDV-a, te dala preporuku da se okvirni sporazum zaključi sa najuspješnijim ponuđačem Regeneracija d.o.o. Velika Kladuša, na period od 36 mjeseci.

Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



Direktor:

*Emir Pašalić*  
Pašalić Emir, dipl.ing.građ.

**DOSTAVLJENO:**

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1x Pom. dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a